



LIPOTI MO LE FONO AOAQ FAITULAFONO

**“Tulafono Tau Faaofi o Teuteuga o le Tulafono
o le Faamauina o Pule o Fanua 2015.”**

Komiti o Galuega, Felauaiga & Siosiomaga.

1. FAUTUAGA:

E fautuaina e le Komiti o Galuega, Felauaiga & Siosiomaga le Fono Aoao ina ia faautagia lana Lipoti.

2. TULAFONO TAU FAAOFI NA ILOILOINA:

(Tuuina atu 30/06/2015)

Tulafono Tau Faaofi o Teuteuga o le Tulafono o Faamauina o Pule o Fanua 2015.

Na iloiloina e le Komiti o Galuega, Felauaiga & Siosiomaga¹ le Tulafono Tau Faaofi o Teuteuga o le Tulafono o le Faamauina o Pule o Fanua 2015, e tusa ai ma le Faatonuga na tuuina mai e le Fono Aoao Faitulafono i le aso 30 o Iuni 2015 mo le iloiloina ma toe Lipoti atu.

3. TAUALUMAGA:

Na valaauina e le Komiti le mamalu o le atunuu e ala i se faasalalauga faalauaitele i luga o le Televisi (S.Q.B. TV 1) ma le leitio faasalalau a le Faalapotopotoga o Faasalalauga (2AP) mo ni finagalo faaalua po o ni finagalo tusitusia e faatatau i lenei Tulafono Tau Faaofi.

Na tapā e le Komiti le fesoasoani a i latou nei a o faagasolo ana iloiloga.

FESOASOANI²

Ofisa o le Loia Sili:

Tuatagaloa Aumua Ming C.Leung Wai	-	Loia Sili
Meiapo Faasau	-	Tusi Tulafono Lagolago
Lizatalei Hakai	-	Tusi Tulafono
Stefanny Meredith	-	Tusi Tulafono

¹ T.T. 176, TUSA Misi Tupuola, AFOAFOUVALE John Moors, LEALAILEPULE R. Aiafi, LEVAOPOLO Talatonu, PESETA Vaifou Tevaga, TOEOLESULUSULU C.P.S.S., FAGAIVALU Kenrick Samu.

² T.T. 156, "E mafai e se Komiti Filifilia ona sailia fesoasoani mai tagata e avea ma faufautua i le Komiti ma e mafai ona valaau so o se tagata e auai atu i so o se fonotaga....."

Matagalulega o Punaoa Faanatura & Siosiomaga.

Salā Josephine Stowers

- Loia Faufautua

4. SAILILIGA:

- 4.1 O lenei Tulafono Tau Faaofi o le a teuteu ai le Tulafono o le Faamauina o Pule o Fanua 2008, ina ia faama’oti ma faamanino atili ai le tulaga e faapea: o fanua faaleaganuu ma isi ituaiga fanua e lē o faamauina i lalo o le Tusi Resitala o Fanua, o lo o tausia i lalo o le Fuaiupu 10 o le Tulafono³. Afai e mafai ona tausia se “faamaumauga” o fanua faaleaganuu e le Resitara o Fanua, e le tatau ona faatatauina sea faamaumauga o se vaega o le lautusi faanumeraina masani pe afai o lo o faamauina fanua umia saoloto ma fanua o le Malo. O lea tulaga e aofia ai aia e umia faalisi ai i totonu o fanua faaleaganuu.

Na taua e le Ofisa o le Loia Sili i le faamalamalama o lenei tulafono, o soo se taimi lava e maea ai se faaiuga a le Faamasinoga o Fanua ma Suafa i se pule o se fanua faaleaganuu poo se tuaoi o fanua, e tatau i le resitala o le faamasinoga ona tuuina mai le iuga o le faamasinoga i le Tusi Resitala o Fanua (Land Registry). O lea faiga o le a resitala ai le iuga o le faamasinoga ina ia manino i luga o faafanua i tulaga o tuaoi ma pule o fanua faaleaganuu (customary).

O se tasi o atugaluga na laga e le Ofisa o le Loia Sili, o le faaupuga la e i totonu o le Faamauina o Fanua e faapea, o le iuga lenei ua tuuina mai mai le Faamasinoga e aumai e resitala. Ae ua taumafai ina ia taofia le faaaogaina o le upu resitala nei iai ni mafaufauga e faapea ua resitala ma ua mafai ona faatau, ae sili pe a sui i le upu “faamauina” (record). O lea faiga o le a tuuititia ai le ono tupu mai o ni fe’ese’eseaiga e faapea o fanua faaleaganuu (customary) ia ua aumai i le Tusi Resitala o Fanua ma ua mafai ona faatauina atu. O le tulaga tonu lea ua taumafai e faamanino, **e lē o le tulaga lena o lo o iai**, ma ua faaoga lava le upu “faamauina” (record) i teuteuga uma.

O lo o iai foi se teuteuga faatupulaia ua faatula’i mai i le fuaiupu 76 o le Tulafono e Tuufaatasia ma Teuteu ai Tulafono Eseeese e Faasino i Meatotino 1952 ona o lo o feteena’i ma le fuaiupu 44 o le Tulafono o le Pule e Faamauina ai Fanua 2008⁴.

³**10. Lautusi faanumeraina o le Tusi Resitala-(6)** E tatau i le resitala ona tausia se faamaumauga o faiga uma ua faamauina i totonu, po o gaioiga ua faia e tusa ai, o se lautusi faanumeraina i komepiuta ma isi lava faamatalaga, pe afai e iai, e faasino i le lautusi faanumeraina i komepiuta e pei ona manatu le Resitala ua talafeagai.

⁴**44. Fanua i lalo o lenei Tulafono: pe faapefea ona mokesi pe noatia-(1)** Soo se fanua po o se esetete po o se aia i le fanua i lalo o aiaiga o lenei Tulafono ua faatatauina ina ia totogiina, pe avea ma faamalumaluga mo, le totogiina o si aitalafu, e tatau i lē umiafaale-tulafono ona faatinoina ma faamauina se mokesi i le pepa faatumu ua faamaonia.

(2) Ua aloaia se mokesi i lalo o lenei Tulafono e avea o se faamalumaluga ae le faagaioia e avea o se faaliliuina atu o le fanua ua mokesiina.

5. **ILOILOGA AUILILI O LE TULAFONO TAU FAAOFI:**

I le Iloiloina Auiliili o Ienei Tulafono Tau Faaofi, ua faamalieina le Komiti ma o lo o talafeagai aiaiga uma ua faatulaga mai vagana ai le Teuteuga Faatupulaia ua fautuaina e faapea:-

TEUTEUGA FAATUPULAIA.

(2) I le fuaiupu 76 o le Tulafono e Tuufaatasia ma Teuteu ai Tulafono Eseese e Faasino i Meatotino 1952, mo le faafuaiupu (2) ia suia e faapea:

“(2) O se mokesi ua faia i totonu o lea pepa faatumu e i ai le tulaga aloaia e avea ai o se faamalumaluga, ae peitai e lē faagaioia e avea o se faaliliuina atu o le fanua ua mokesiina.”

7. **IUGAFONO:**

I le maea iloiloina o le Tulafono Tau Faaofi na faaiugafonoina ai e le Komiti e fautuaina le Fono Aoao,

Ina ia faagasolo le Tulafono Tau Faaofi o Teuteuga o le Tulafono o le Faamauiina o Pule o Fanua 2015 faatasi ma le teuteuga faatupulaia.

8. SAINI A SUI O LE KOMITI:

TUSA Misi Tupuola
TAITAFONO

AFOAFOUVALE John Moors
SUI TAITAFONO

LEALAILEPULE Rimoni Aiafi
SUI USUFONO

LEVAOPOLO Talatonu
SUI USUFONO

PESETA Vaifou Tevaga
SUI USUFONO

TOEOLESULUSULU C. P. S. Schuster
SUI USUFONO

FAGAAIVALU Kenrick Samu
SUI USUFONO